

Saitualah District Consultative Committee DCC/DLRC /DLSC meeting neih a ni

Dated Saitual the 12th Dec 2024:

Vawiin khan Dr Lalngura Tlau, Saitual DC hovin Saitual DC Conference Room-ah District Consultative Committee (DCC/DLRC/DLSC September 2024 Quarter tawp meeting neih a ni a, he hunah hian Pu Robert Zosangliana, Lead District Manager/Convener, Pi Lalhmachhuani, District Deputy Manager(DDM), NABARD leh Members (line department) te, saitual District chungga Bank hrang hrang awmte an kal kim hle.

Chairman, Dr Lalngura Tlau chuan kalkhawmte hnenah lawmthu sawiin ,CD Ratio tisang tur leh NPA tihnam tura tan la thar turin a chah a. Loan chungchang sawiin mipuiten a thlawna dawn rilru an neih thin chu paih a hun tawh thu sawiin hlawhtling tur chuan thawhna tur an puk ang a, an rul bawng a, chu chuan hmasawna dik a thlen dawn a ni, a ti. Hmasawna chu thawkrim leh taima, midikte tan chuan ban phakah a awm reng a ni a ti bawk.

Vawiin thutkhawmah hian Credit Deposit Ratio(CD Ratio) tihsan zel dan turte, Annual Credit Plan(Priority Sector lending)te, Agriculture Advances(ACP) ,SHG-Bank linkage hmasawna te, Govt Sponsored Schemes chi hrang hrang,i.e NRLM,NULM,PMEGP,SUI etc te, PMMY(Mudra) loan te, Financial Literacy Campaign leh Social Security Schemes(PMJJB&PMSBY) bakah bank hrang hrangten Non Performing Assets(NPA) an neih dante thlir ho a ni.

Vawiin Meeting ah hian Saitual District tana Potential Link Credit Plan(PLCP)2025-2026 chu 88.18Crore chu Dr Lalngura Tlau, Saitual Bawrhshap chuan a tlangzarh a, Pi H Lalhmachhuani DDM NABARD chuan sawifiahna hun a nei zui bawk. DC chuan PLCP chungchang sawizuiin PLCP chu kan potential a ni a ti a, saitual district hmasawna atan hian sum a awm a, chumi haichhuak thei tur erawh chuan theihtawp chhuah a ngai thung a ni a ti.

He hunah hian Pu Robert zosangliana, LDM, Convener pawhin branch manager te chu loan pek chhuah kawngah tan la thar tur leh mipuiten an hriatloh inhrilhriat kawngahte tan la thar turin a chah a ni. Financial year thar 2025-2026 atana target hlenna tur programme, one day workshop/bankers sensitization meet/seminar pawh hun remchang hmasaah banks, line department leh mipuite nena neih an rel bawk.

